

## EVENING GOJRI NEWS BULLETIN

2 JAN 2026

1700 HRS

ايوننگ گوجري نيوز بوليٽن 2 جنوري 2026

\*\*\*\*\*

يوه آكاشواني جمون به نصرت چودھري ته علام سرور تين خبر سُنو۔

\*\*\*\*\*

### HEADLINES

۱۔ وزير اعلي عمر عبدالله نه كهيو جه حكومت بجلي نانہ سستي ركھ غه عوام غي فلاح و بهبود نانہ ترجيح دين باره پُر عزم به۔

۲۔ وزير اعلي عمر عبدالله نه كشتواڙ ضلع غا دچهن علاقہ مانہ پيش آئي اگ غي واردات ور ڏونگا ڏکھ غو اظهار كيو ته اس اگ تين كئي ٿهانچہ سڙھ گيا بهن۔

۳۔ سال 2025 بهارت غي ٿيكنالوجي ته سائنسي سفر مانہ ايك ايم ته فيصلہ گُن سال ثابت بوو به۔

۴۔ بهدرواه 17-18 جنوري نانہ سرمائي ميلہ غي ميزباني كره غو ته فروري غا مهينه مانہ ڏوڏہ مانہ رافٽنگ تقريبن غو منصوبو بنايو گيو به۔

۵۔ بهارتي قومي شاہراہ غي اتھارٽي نه اعلان كيو كه اگلا مهينه گي 1 تاريخ تين نواں فاسٽ ٿيگ جاري كرن غه دوران گڏياں گو شناختي كارڊ ختم كردتو جه غو۔

\*\*\*\*\*

### CM POWER TARIFF

حکومت عوام غي فلاح و بهبود نانہ ترجيح ديتي ره غي ته بجلي نانہ سستي ركھن واسطه پُر عزم به۔ ياه گل وزير اعلي عمر عبدالله غا دفتر تين، سماجي ميڏيا پليٽ فارم ايكس ور كهي گئي۔ بيان مانہ كهيو گيو به كه سال 2025-26 واسطه جمون كشمير مانہ بجلي غي قيمتاں مانہ كوئي عام اضافو نه كيو گيو به ته ٽائيم آف ڏه ٿيرف يعني دن غا وقت غا حساب تين بجلي غي قيمت وي پهلاں جيسه بي ره غي۔ بجلي ترقياتي محڪمو جهيڙو

وزیر اعلیٰ عمر عبداللہ غا، زیر نگرانی ہے، نے ایک خط غے ذریعے مشترکہ بجلی نگران کمیشن نانہہ دسیو کہ حکومت آمدنی تے خرچ گا فرق نانہہ پورو کرن واسطے جموں تے کشمیر دواں غی بجلی کمپنیاں نانہہ مالی مدد فراہم کرے غی۔

\*\*\*\*\*

#### CM KISHTWAR FIRE

وزیر اعلیٰ عمر عبداللہ نے اج کشتواڑ ضلع غا داچھن علاقہ غا ٹاچنا گراں مانہہ بون آلی ایک شدید آگ ور گہری تشویش غو اظہار کیو۔ اس خوف ناک آگ مانہہ کئی عمارت جل غے تباہ ہو گئیں ہیں۔ جس تیں متعدد خاندان متاثر ہوا ہیں۔ وزیر اعلیٰ غا دفتر غی جانب تیں سماجی میڈیا ور جاری پیغام مانہہ وزیر اعلیٰ نے ضلع انتظامیہ نانہہ ہدایت دتی کہ متاثرہ خانداناں نانہہ فوری امداد فراہم کی جے، نقصانات غو مکمل جائیزو لیو جے تے ہر ممکن مدد دتی جے۔ یاہ آگ گزری رات نانہہ لگی، جس غی وجہ تیں بڑا پیمانہ ور تباہی ہوئی تے کئی لوک بے گھر ہو گیا ہیں۔ ابتدائی جانکاری غے مطابق، اس آگ مانہہ کئی مال چوکھر وی سڈھ گیا ہیں۔

\*\*\*\*\*

#### YEAR ENDER REFORMS

سال 2025 بھارت غی ترقی غا سفر مانہہ ایک نہایت اہم تے فیصلہ کن سال ثابت ہوو اس سال پالسیاں، حکومتی منصوباں نانہہ عملی شکل لبی تے نیت نانہہ حقیقی نتائج لبیا۔ آج اس خصوصی سلسلہ، سال اصلاحات، مانہہ ہم تم نانہہ 2025 مانہہ ٹیکنالوجی غا شعبہ مانہہ بھارت غی پیش رفت غا بارا مانہہ دس ریپا ہیں۔ 2025 مانہہ بھارت نے دوجا غی بنی ٹیکنالوجی غو استعمال کرن غے بجائے اپنی ٹیکنالوجی تیار کرنو شروع کیو، اس کم مانہہ حکومت تے نجی اداراں نے بڑی مقدار مانہہ سرمایہ کاری کی تے قوانین، نظام تے اداراں مانہہ تبدیلیاں کی گئیں، جس غی وجہ تیں ٹیکنالوجی بنان غو عمل مضبوط ہوو۔ اس سال مصنوعی ذہانت غا میدان مانہہ بڑی کامیابی حاصل ہوئیں۔ حال ہی مانہہ بھارت نے سٹین فوڈ یونیورسٹی غی 2025 عالمی اے آئی

درجہ بندی مانہہ تیجو مقام حاصل کیو۔ 2025 مانہہ سیمی کنڈکٹر، الیکٹرانک چپس تے جدید مینوفیکچرنگ غا شعبہ مانہہ وی نمایاں پیش رفت ہوئی۔ اس سال خلائی ٹیکنالوجی تے اسٹریٹجک ٹیکنالوجی، دفاعی و اہم ٹیکنالوجی مانہہ وی اہم سنگ میل طے کیا گئیا۔ اسی، غے نال ہی 2025 مانہہ جوہری توانائی تے سائنسی نظام حکمرانی مانہہ وی بنیادی اصلاحات کی گئیں۔

\*\*\*\*\*

#### COMMUNITY RADIO RAJOURI

ضلع راجوری گا قبضہ لکیر یعنی ایل او سی غے نال لگتا گراں کیری مانہہ اج کمیونٹی ریڈیو اسٹیشن ریڈیو سنگم 88.8 ایف ایم ہرپل ہر دل افتتاح کیو گیو ضلع ترقیاتی کمشنر ابھیشیک شرما غی طرفوں کمیونٹی ریڈیو اسٹیشن غی افتتاحی کی گئی تے وے مہمان خصوصی غا طور و روی تھا اس موقع ور ترقیاتی کمشنر نے گل بات غے دوران کیو جے کمیونٹی ریڈیو اسٹیشن غے زریعے نچلی سطح ور مواصلات نانہہ مضبوط بنان، مقامی ثقافت غی تحفظ تے جامع ترقی نانہہ فروغ دین مانہہ اہم کردار ادا کرے اس موقع ور بولتا واں ترقیاتی کمشنر راجوری نے مزید اس طرح کہیو۔

\*\*\*\*\*

#### NCORD RAMBAN

ضلع انتظامیہ رام بن نے ضلع سطحی منشیات غے خلاف کمیٹی غا نال ایک اجلاس منعقد کیو جس مانہہ ضلع مانہہ منشیات غے خلاف اقدامات غو جائیزو لیو گیو تے انہاں نانہہ مزید مضبوط بنان ور زور دتو گیو۔ دوائیاں ور نگرانی کرن آلا افسراں نانہہ ہدایت دتی گئی کہ وہ طبی دکاناں ور سخت نگرانی کریں تے دوائیاں غا اسٹاک غی جانچ کریں تانجے نشہ آور تے ذہن ور اثر کہلن آلی دواواں غی غیر قانونی فروخت تے غلط استعمال نانہہ روکیو جاسکے۔ ڈرگ کنٹرول محکمہ رام بن نے نفاذ کرن آلی ایجنسیاں نانہہ ہدایت دتی کہ وہ کورٹر مرکزاں، طبی اداراں تے بحالی مراکز غو مشترکہ معائینو کریں تے مشکوک سامان ور کڑی نظر رکھیں، تانجے ممنوعہ تے نشہ آور اشیاء غی اسمگلنگ

نانہ روکیو جاسکے۔ اس حوالہ تیں مزید جانکاری دیتا واں اسٹینٹ کنٹرولر  
ڈرگ رامبن، تیں سنجیو کمار گُپتا نے اس طرح کہیو۔

\*\*\*\*\*

## WINTER FEST

سڑکاں غی حفاظت بارے ماہ غے تحت، جھڑو 1 جنوری 2026 تیں شروع ہوو ہے  
ضلع انتظامیہ ڈوڈہ نے عوام مانہ آگاہی پھیلان، سیاحت نانہ فروغ دین تے  
محفوظ سفر غی اہمیت نانہ اُجاگر کرن واسطے کئی بڑا پروگراماں گو منصوبو  
بنایو ہے۔ ضلع انتظامیہ نے محکمہ سیاحت غا اشتراک سنگ 17 تے 18 جنوری  
نانہ بہدرواہ مانہ سالانہ سرمائی میلو منعقد کرن غو فیصلو کیو ہے جھیڑی  
اس مہینہ مانہ ایک نمایا سرگرمی وے غی۔ اس تیں علاوہ فروری مانہ  
رافٹنگ تقریب وی منعقد کی جے غی جس غو مقصد سیاحاں نانہ متوجہ  
کرنو ہے تے مقامی نوجواناں واسطے روزگار غا موقع پیدا کرنا ہے اس سلسلہ  
مانہ ذرائع ابلاغ سنگ گل کرتا واں ڈپٹی کمشنر ڈوڈہ ہر ویندر سنگھ نے اس  
طرح کہیو۔

\*\*\*\*\*

## NHAI KYV

بھارتی قومی شاہراہ غی اتھارٹی نے اعلان کیو کہ اگلا مہینہ غی ایک تاریخ تیں  
نوی فاسٹ ٹیگ جاری کرن غے دوران، گڈیاں غو شناختی کارڈ ختم کردتو جے  
گو۔ وزارت سڑک نقل و حمل غے مطابق یوہ فیصلو عوام غی سہولت بدھان تے  
فاسٹ ٹیگ گا ایکٹیویشن تیں بعد قومی شاہراہ نانہ استعمال کرن آلا نانہ  
پیش آن آلی پریشانیاں نانہ ختم کرن واسطے لیو گیو ہے۔ وزارت نے واضح کیو  
ہے کہ کے وائی وی صرف خاص صورتاں مانہ یعنی شکایات موصول ہون ور  
ہی درکار وے غو، جدکہ پُرانا فاسٹ ٹیگ آلی گڈی مالکاں نانہ بلا وجہ کے  
وائی وی غا چکر نی لگانا پیس گا، صرف شکایت ہون ور ہی تصدیق منگی جے  
غی۔ اس قدم غو مقصد گڈیاں غی مکمل تصدیق فاسٹ ٹیگ جاری کرن تیں  
پہلاں ہی ہو جے، تے صارفین نانہ بار بار رابطہ کرن غی مشکلات تیں نجات  
مل جے غی۔

\*\*\*\*\*

## ESSAY COMPETITION

بھارت غا77ویں یوم جمہوریہ غا موقع ور محکمہ اطلاعات تے تعلقات عامہ جموں کشمیر نے نوجوان ذہناں نانہہ آن لائن مضمون نویسی مقابلو2026 مانہہ حصو لین غی دعوت دتی ہے اس مقابلہ غو موضوع ہے میرو آئین، میرو فخر، تاہم دسیو گیو ہے جے صرف جموں کشمیر غا رہائشی ہی اس مقابلہ مانہہ حصو لے سکیں غا تے حصو لین آلاں غی عمر18 سال تیں متی نی ہونی چاہیے مضمون واسطے الفاظ غی حد متی تیں متی200 الفاظ ہونو چاہیے تے صرف ہتھ نال لکھیو جانو چاہیے مقابلہ مانہہ پہلا نمبر آن آلا نانہہ10 ہزار روپیہ غو انعام دتو جے غو تیں دوجا نمبر آلا نانہہ75 سو روپیہ دتا جیں غا تے تیجا نمبر آلا ناں 5 ہزار روپیہ غو انعام دتو جے غو تے اس طرح مقابلہ مانہہ اندراج کرن غی آخری تاریخ20 جنوری2026 رکھی گئی ہے۔

\*\*\*\*\*

## WEATHER

جموں کشمیر غی بھدواہ وادی غا بالاٹی علاقاں مانہہ ہلکی برف باری ہوئی جس تیں مقامی لوک تے سیاحاں مانہہ خوشی دیکھی گئی اونگا ضلع پونچھ تیں وی برف باری غی اطلاع لہی ہے تے اپلا علاقاں نے برف غی چادر اوڈھ لی ہے سیاحاں نے برف گی چٹی چادر نانہہ قدرت غو تحفو قرار دتو ہے تے اُمید ہے جے برف باری غی وجہ سنگ ان علاقاں مانہہ سیاحت نانہہ فروغ لبے غی اپنی خوشی غو اظہار کرتا واں گُج مہمان نے اس طرح کہیواس تیں علاوہ سادھنا پاس مانہہ تقریباً6 انچ برف، گریز تے تلپل مانہہ8 تیں 12 انچ جد کہ سوناہمرگ، زوجیلا مانہہ5 تیں 8 انچ غی برف باری ہوئی ہے گلہمرگ مانہہ لگ بھگ 2 انچ برف باری ہوئی ہے اس برف باری غی وجہ تیں سیاحاں نے خوشی غو اظہار کیو ہے۔

\*\*\*\*\*

## JK BOSE SYLLABUS

جموں کشمیر بورڈ آف سکول ایجوکیشن نے دسویں گیارویں تے بارویں جماعت  
غا اُمیدواراں جھڑا جے فیل ہویا وی ہیں تے دوبارہ امتحان مانہہ حاضری دے  
ربیا ہیں اُن بارے پرانا نصاب یعنی سلیبس نانہہ باضابطہ طور ور ختم کردتو بے  
بورڈ غی طرفوں کی وگیو بے جے ان طلباء واسطے پہلاں توں ہی پہلا قواعد و  
ضوابط غے تحت متعداد فراہم کیا گیا تھا بورڈ غی جانب تیں جاری کردہ  
نوٹفکیشن گے مطابق پرانا کورس غے تحت مزید امتحانات نہیں لیا جیں گا  
اُمیدواراں نانہہ مشورو دتو گویو بے جے وے 2026 نے اس تیں بعد سالانہ  
پرائیویٹ یا دو سالانہ یعنی بائی انول امتحانات واسطے نواں نصاب غے  
مطابق تیاری کریں۔

\*\*\*\*\*